



## В День Святаго Духа

### Канон Божественному и покланяемому Пресвятому Духу Параклиту\*

Творение инока преподобнаго Максима Грека Святогорца

#### Глас 4

#### Песнь 1

**Ирмос:** Божественным покровен / медленно-  
язычный мраком, / извитийствова Богописанный  
закон: / тину бо оттряс очесе умнаго, / видит  
Сущаго / и научается Духа разуму, / хваля Божест-  
венными песнями.

**Припев:** Слава Тебе, Боже наш, слава Тебе.

Иже манною препитавый Израиля в пустыни  
древле, / и душу мою, Владыко, Духа наполни  
Всесвятаго, / яко да о Нем богоугодно служу Ти  
вину.

Со Безплотными Твоими слугами, смeya, припе-  
ваю Ти и аз, / земля сый и пепел, / трисвятаго гласа  
пение, / Троице таяжде и Единице Преплагая.

Всегда бурями губительных страстей и духов  
возмущаемь душею, / Тебе, Всеблаженному Парак-  
литу, / яже о моем спасении яко Богу возлагаю.

Нестроением всяческих беззаконных помыслов  
омрачаемь люте, / губительнаго сего, молю Тя,  
избавити мя изволи недуга.

Глубиною неразумия и лютаго нерадения дрема-  
нием потопляемь бедне, / к Тебе, Всепречистому,  
вопию: / душевныя сея тли избави мя.

**Слава:** Во чреве зачениши девственнем, / Егоже  
из чрева прежде век Отец роди, / чревными  
сладострастии порабощенна, / Твоею крепкою  
свободой мя силою.

**И ныне:** Земля Ты едина свята воистинну, / яко  
рождшая всех Божественный Живот; / землю пло-

---

\* Сей канон, писанный преподобным Максимом Греком углем по стене в месте заключения, принят для церковного употребления и в некоторых обителях читается в День Святаго Духа.

донóсну дúшу мою Твоему Сýну покажи́, Богородице.

### Песнь 3

**Ирмо́с:** Развѣрзе утробы неча́дствовавшия úзы, / доса́ду же неудоботерпíму благоча́дствующия, / едина моли́тва проро́чицы дрѣвле А́нны, / нося́щия дух сокруше́н, / к Сильному и Бо́гу ра́зумов.

**Бла́гости Твоея́, Свята́я Трѳице,** познание ве́лие есть, / обновле́ние создáннаго по Твоему́ Божѣственному о́бразу, / Егѳже, воплоще́нием предивным единаго из Тебе́ па́че сло́ва, / Себе́ жили́ще Божѣственное показáла еси́.

**Дарова́нии Твоими́ святы́ми и по́мыслы священноле́пнаго благоговѣинства,** Влады́ко, / ум мой украси́, / я́ко да в тишинѣ души́ и святоле́пном устро́ении / пою́ и прославляю́ Тя, Божѣственный Паракли́те.

**Та́йная плотская́ движѣния,** / от го́рдостныя стра́сти во мне ражда́емая / и пресквѣрне оскверня́ющая ока́нную дúшу мою́, / отню́д истреби́ от сея́, Влады́ко, молю́тися.

**Брозда́ми и уздо́ю Божѣственнаго стра́ха,** Влады́ко, / безстудныя души́ моея́ встягни́ устремле́ния, / я́ко да зельным благоговѣинством и трѣзвенною мы́слию / пою́ Тя и сла́влю, Божѣственный Уте́шителю.

**Мно́гими блужѣнии растли́вся конѣчне,** / к Тебе́, Пресвѣтлейшему Со́лнцу, ве́рою притека́ю: / Божѣственным Твои́м свѣтом душе́вныя ми о́чи просвети́ти изво́ли, / Божѣственный Паракли́те.

**Сла́ва:** Живота́ всех а́ки Пита́тельница, Влады́чице, / умерщвлѣнную мою́ дúшу сквѣрными страстьми́ оживотвори́ти, Чы́стая, / Божѣственным Твои́м посещѣнием изво́ли.

**И ны́не:** Животво́рных повелѣний Твоего́ Сýна, Пречы́стая, / приле́жна и спѣшна де́лателя покажи́ мя, / лю́тое разленѣние и глубо́кое дрема́ние от души́ моея́ отню́д истреби́вши.

### Та́же глаго́ли стихи́ сия́:

**Спаси́ от бед раба́ Твоего́, Уте́шителю Благи́й,** / я́ко зело́ и безпреста́нно напада́ют на мя нечы́стии бе́сове / по́мыслы и мечта́нии сквѣрными.

**Призри** благоутробием, Всепетая Богородице, / на жестокое сердца моего окаменение / и просвети тьму души моей.

### **Кондак, глас 2.**

**Подобен:** Вѣшних ищя:

**В**сех животá, Исто́чника Приснотеку́щаго Божественных даров, / Духа Всесвятаго, / яко Отцу́ Единосу́щна / и Сы́ну Соприсносу́щна, / в пѣснях благовѣрно воспойм и велича́им / и яко Бо́гу вѣрою поклонимся.

**Поклоняюся** Тебѣ, Влады́ко Утѣшителю Бо́же: / помилуй и спаси поклоняющихся Тебѣ / и Бо́га исповѣдающия Тя.

### **Песнь 4**

**Ирмос:** Царю́ царей, / Яковѣй от Якова́го, / Един, Сло́ве, произше́дый, / от Отца́ Безвиновнаго, Равномощнаго Твоего́ Духа / апостолом и́стинно послал еси́ / яко Благодѣтеля, пою́щим: / сла́ва держа́ве Твое́й, Го́споди.

**Услышати** сподоби мя, Го́споди, тогда́ многожелаемое зва́ние Твое́, / в невестник Небесный созывающее всех преподо́бных Твои́х.

**Осуждена** человека злоча́льника прельще́нием / взыскала и спасла́ еси́, Троице Свята́я, и просла́вила еси́ его́; / и мое́, изнемо́гшее печа́лию се́рдце, свѣще крѣпостию Твое́ю утверди́ / и возбуди́ мы́сли моя́.

**Божественным** страхом пригвозди́ ока́янные моя́ плоти́ мудрова́ние / и па́мятию бу́дущих муче́ний ду́шу устраши́.

**Дерзнове́ние** Божественно пода́ждь ми, / водруже́нную грехом во мне ху́дость истребив, / и Твое́ю просвети́ мя благода́тию.

**Богородице** Всепетая, / смире́нную Божественным дарова́нием обогати́ ду́шу мою́, / высоту́ смири́вши велича́ния.

**Сла́ва:** Свяще́нное жили́ще Твоего́ Сы́на, Богородице, / покажи́ ду́шу мою́, / безчи́сленныя ея́ скверны отгна́вши.

**И ны́не:** Крѣпце погиба́ема нестро́ением душе́вным, Всепетая, / моли́твами Твои́ми утверди́ мя в Божественном стра́се и любви́.



### Песнь 5

**Ирмос:** *Решительное очищение грехов, / огнедохновенную примите Духа росу, / о чада светобразная церковная! / ныне от Сиона бо изыде Закон, / языкоогнеобразная Духа благодать.*

**Направи живот мой, Пресущественная Троице, / к Твоим спасительным заповедям / и светом Твоим душу мою просвети, молются.**

**Обдержима суща пленницами лютых прегрешений, / реши мя от сих благоволи, Преблагий, / и целомудрия любвию Божественною воспери мя.**

**Освети Твоею Божественною благодатию, Параклите, / страстьми омраченную душу мою / и глубокую неразумия тьму от нея издени.**

**Зело безбоязненно по вся дни прогневаю Тя / дела же и словеса скверными, Преблагий, / но молю Тя: / нечестия сего избави мя.**

**Слава:** *Едина, рождающая всякия премудрости Источника, / преступлением Божественных заповедей / обьюродевшую душу мою отнюд вразуми, Всепетая.*

**И ныне:** *Истреби, Чистая, от души моея / стужающая ми безпрестанно злыя помыслы / и Богоугодными обогати мя поучении.*

### Песнь 6

**Ирмос:** *Очищение нам, Христе, / и спасение, Владыко, / возсиял еси от Девы, / да, яко пророка от зверя морскаго персей Иону, / от тли исхитиши / всего Адама всеродна падшаго.*

**Страстьми горькими плотскими огорчен быв окаянною душею моею / и в тех, аки в последних безднах, вину, Спасе мой, потопляемь, Тебе молюся: / струями Живодательнаго, иже у Тебе, Источника оживи мя.**

**Великаго воистинну молчания достойна суть вся Твоя тайнства: / трилицтвуеши бо во Едином Существом / и, соединяема, пребываеши несмешна. / Но, Безначальная Троице, / Твоих рук брэнное создание спаси мя.**

**Весь цел Сын, веруем, есть во Отце существенно и Дух: / от Него бо, аки от Единого Начала,**

соприсносу́ще Оба сияют / и пребыва́ют о Себе́ в Живонача́льных Ипостáсах Свои́х.

**Юности** гнѹсными стрекáнии / на мя вооружився сквѣрный вся́ким образом, / те́ми ду́шу мою́ и живо́т весь оскверни́л есть, / но, Паракли́те Преблагий, / плода́ми пока́яния исцели́ мя.

**В** напа́сти лю́тыя по уму́ падо́х, / и недоумѣнием содержи́мь есмь всю́ду, / и в бе́ды разли́чныя впадаю́, / и, я́коже ладия́ в морско́м волне́нии, обурева́емь есмь, / но, Преблагий Уте́шителю, / лю́таго сего́ обурева́ния, молю́ Тя, ско́ро исхити́ мя.

**Сла́ва:** Падѣнием лю́тым падо́х, / преступи́в к Твоему́ Сы́ну обе́ты моя́, / но, я́ко исто́чника щедро́т и благоутро́бия су́щую пучи́ну, / Всенепоро́чная, молю́ Тя: / ми́лостива сотвори́ ми Егó.

**И ны́не:** Губи́тельныя на мя наве́ты / невидимых враго́в моих, Де́во, изгоня́й всегда́ от души́ моея́ / непобеди́мою и Божѣственною́ си́лою Твоею́ / и даждь ми на них всеору́жие духо́вное и ра́зум.

**Та́же:** Спаси́ от бе́д:

### Конда́к, глас 2:

**В** сех Животе́, Све́те и Утешѣние, / Наде́ждо и Наслаждѣние, Всесвяты́й Ду́ше, / Бо́га Тя зна́ющих, Отцу́ и Сы́ну Сопресто́льна, / даро́в Твои́х сподо́би / и грехо́в отпу́щѣние да́руй им.

### Песнь 7

**Ирмо́с:** Согла́сная возшумѣ оргáнская песнь / почитáти златосотворѣнный безду́шный истукáн; / Уте́шителява же светонóсная благода́ть почествует, / е́же вопи́ти: / Тро́ице Еди́ная, Равноси́льная, Безнача́льная, благословѣна еси́.

**Вся́кия** зло́бы и хѹдости нра́вов свободи́в мя, Спа́се, / дарова́нии всесвяты́ми Божѣственнаго Паракли́та обогати́ мя, пою́ща: / отце́в Бо́же, благословѣн еси́.

**Вся́каго** желе́за и ка́мене жесточа́йшее се́рдце мое́ умягчи́, Спа́се, / да и́стинным умилѣнием возопи́ю, спаса́емь: / отце́в Бо́же, благословѣн еси́.

**Со** Отце́м Безнача́льным Сы́на и Ду́ха Соприсносу́щна, / во Еди́ном Су́ществе́, и Три́ех Ли́цах,



богословствующе, поём: / отцев Бóже, благословён еси.

**Лука́вым** обы́чаем грехо́вным ра́бски побежда́емь, / Тебе́, всех Влады́це, припа́дая, молю́ся: / скве́рныя сея рабо́ты изба́ви мя.

**Кре́пкою** си́лою Твое́ю / грехо́м изнемо́гшую ду́шу мою́ утверди́ти благоволи́, / да воззову́, спаса́емь: / отцев Бóже, благословён еси́.

**Сла́ва:** Ра́зумом Божество́нным и тёплым пока́нием, Богоблагодáтная, / ум мой и ду́шу, лю́те грехо́м помраче́нную, / просвети́ти изво́ли, да пою́ Ти со Арха́нгелом: / ра́дуйся, Влады́чице.

**И ны́не:** Пло́ти моея́ беззако́нная и пристра́стная движе́ния, Богороди́тельнице, / умертви́вши коне́чне, / благодáть Паракли́тову в души́ мое́й насади́, / да святоле́пне Тя, Пресвяту́ю, прославля́ю всегда́.

### Песнь 8

**Ирмо́с:** Разреша́ет у́зы и ороша́ет пла́мень / трисве́тлый Богонача́лия о́браз, пою́т о́троцы, / благослови́т же еди́наго Спа́са и Вседете́ля, / я́ко Благодете́ля, / сотворе́нная вся́ческая тварь.

Губи́тельного разжже́ния беззако́нных помы́слов разреши́ мя, Иису́се мой, / да чи́стым се́рдцем сла́влю Тя.

Со Безплотными слугами Твоими / Высочайшую и Вседетельную Троицу поём Тя / и превозносим, перстни раб Твои́.

Губи́тельныя находы́ врагов мо́их невидимых изгоня́я от души́ моея́, / благодáть Твою́ вселити в ней, Паракли́те, изво́ли.

Проше́ния, ихже у Тебе́ прошу́ моли́твою, / соверша́ти бо́дренно де́лом, и стра́хом, / и любóвию сподóби мя, Уте́шителю.

Го́рдыми помы́слы сатани́нскими / беся́щуюся всегда́ ду́шу мою́, Влады́ко, / я́коже ве́си, исцели́.

Па́че блудни́цы и Иса́ва беззако́новав, / к Твои́м щедро́там прибега́ю: / не отрини́ мене́ от благода́ти Твоея́, Паракли́те Пресвяты́й.

Благослови́м Отца́, и Сы́на, и Свята́го Ду́ха, Го́спода.

Грехолюбив зело́ па́че всех человек сый, Всепе́-

тая, / к Тебѣ прибегаю: / спаси мя, недостойнаго раба Твоего.

**И ныне:** Любомудрия истины Божественнаго рачителя покажи мя, Всепетая, / страхом и любовью исправляющи мя.

### Песнь 9

**Ирмос:** Радуйся, Царице, / матеродевственная Славо, / всяка бо удобообрацательная благоглаголивая уста / витийствовати не могут, / Тебѣ пѣти достойно, / изумевает же ум всяк Твое рождество разумѣти. / Темже Тя согласно славим.

Спасе мой, просвещѣние и Защитниче, / от Твоея Божественныя радости не отрини мене / Пречистыя Твоея Матере молитвами святыми.

С Горними силами и аз, со страхом ниц пад, / поклоняются, перстный, и любовью вопию Ти: / Троице Всесвятая, слава Тебѣ.

Спаси мя, поющаго, поклоняющагося и славословящаго / державу неприступныя славы Твоея.

Благости нравов, и наказанию закона, / и разуму Божественных догмат научи мя, / да благоугодно пою Тя, Божественный Параклите.

Всех праведных и благоугодивших Ти / сподобитимися изволи радостнаго праздника, / да вкупе с ними пою Тя, Пресвятый Утешителю.

Души моея страхование, и различныя злобы, / и всю ея истребив худость, / добродетелей венцем украси ю, Святый Параклите.

**Слава:** О Всенепорочная Дѣво, / растлившуюся всяческими блужении окайнную душу мою / Твоими святыми молитвами исцели.

**И ныне:** О Божественная Ходатаице Богу и человеку, / худую сию молитву мою / Божественному Параклиту принеси, молю Тя, Всесвятая Богородице.

**Таже:** Спаси от бед:

### И тропарі сия:

Достойно есть воистинну величати Тя, Бога Слова, / Егоже трепещут и ужасаются Херувими / и славословят Силы Небесныя, / от Дѣвы непре-



лѡжно воплѡщшагося / Христá, Жизнодáвца и Гѡспода.

**Д**остѡйно есть войстинну превозносѣти Тя славослѡвии, Всепроблагáго, / и Всепресвятáго, и Хранѣтеля жѣзни нáшея, / со Отцém и Сýном богонáчально цáрствующаго видѣмыми и невѣдимыми, / от Отцá едѣнаго исхѡдýщаго Бѡжѣя Дýха, / велика же и стрáшна, со стрáхом слáвити.

**Слáва:** Поэм Тя все боголѣпно пѣнии Божѣственными, / Отцá и Сýна и Дýха Божѣственного, / Трисѡстáвную Держáву, / Едѣно Цáрство и Госпѡдство.

**И нýне:** Владýчице, Мáти Избáвителя, / примѣ молѣтвы Твоѣх непѡтрѣбных раб, / ýмже воздáждь избавлѣние грехѡв / и богоýгодныя жѣзни прѣятное исправлѣние.

### Молѣтва ко Пресвятѡму Дýху

**П**римѣ, Владýко, Прблагѣй Параклѣте, Един Сýй Святýя и Покланяемая Единосýщныя же и Неразделѣмыя Трѡицы, худѡе сѣе молѣние, емýже благоволил есѣ приносѣму бывáти Тебѣ от челоука грѣшнаго и осуждѣннаго, и прѡстѣ ми согрѣшѣния моѣ, вѡльная и невѡльная, от тáйных моѣх очѣисти мя и от чуждѣх пощадѣ рабá Твоегѡ. Благоволи о мне, грѣшнем и непѡтрѣбнем, и нѣмѡщи душѣ моеѣ посетѣ благодáтию Твоею и исцели сокрушѣние еѣ. Помѣлуй мя, Владýко, Параклѣте, Бѡже, помѣлуй мя, освятѣ мою дýшу и тѣло, прѡсветѣ ми ум и рáзум, очѣисти сѡвесть душѣвную от всѣкия сквѣрны, нечѣстных пѡмыслов, умышлений лукавых и разумѣний хýльных и от всѣкаго превозношѣния, гѡрдѡсти же и кичѣния, високоумѣя же и дѣрзости, и сатанинскаго шатáния, и от всѣкаго фарисѣйскаго лицемѣрия и презѡрства\*, и от всѣкаго стýднаго и лукаваго обычая моего избáви мя до конца, слáвы рáди Ымене Твоегѡ, и дáруй ми ýскренне покаяние, сокрушѣние сѣрдца моего и смиренномýдрѣе, крѡтость же и тѣхѡсть и всѣкое христѣанское благоговѣинство, рáзум же и худѡжество духѡвное, со

\* презѡрство — високомерѣе.



всяким благоразумием, благодарением и терпением совершенным. Ей, Бóже, славы ради Имене Твоего услыши мя, грешнаго, молящагося Тебё, и сподоби мя в прочее время окаянных жизни моея каяться искренне моих беззаконий, со всяким смиренномудрием, целомудрием же и воздержанием истинным, отступившу мне всякаго сомнения, двоедушия и нечувствия, и соблюди мя, Владыко, во всяком благочестивом и православном исповедании веры христианския, да сподоблюся во вся дни живота моего без сомнения пети Тя, благословити, славословити и глаголати: Святы́й Бóже, Отче Безначальный; Святы́й Кре́пкий, Сы́не Его́ Собезначальный; Святы́й Безсме́ртный, Ду́ше Святы́й, от Отца́ исходя́й и в Сы́не пребыва́й и почива́й; Трои́це Всесвята́я, сла́ва Тебе́. Сла́ва Тебе́, Свята́я Трои́це Единосу́щная, Животворя́щая и Нераздели́мая, всех ра́ди сла́ва Тебе́.

Сла́ва Тебе, Ма́ти Бóжия, ве́рных прибе́жище, и избавле́ние в лю́тых содержи́мым, и ду́шй мое́й Божественное утеше́ние; всеока́янную ду́шу мою́, о Богоблагодáтная, уязвленную стреля́нии рáтника, Твоему́ всеси́льному предста́тельству поруча́ю, ю́же соблюда́й, покрыва́й и спаса́й от бесовских ко́зней невредиму́, да вопию́ Ти: ра́дуйся, Невесто́ Неве́стная.

